

223906

敬業堂詩集

中華書局印行



敬業堂詩集

ADDRESS

四部備要

集部

上海中華書局據原刻本

校刊

桐鄉 陸費達 總勘

杭縣 高時顯 輯校

杭縣 吳汝霖 監造

版權所有 不許翻印

原序

老友海昌陸先生辛齋書其愛增查夏重詞一卷示且曰此子名譽未成
集先生少假借之并以數語其時余官書署冗俗碌碌未及爲也及余轉官司
成則夏重與其弟德尹後先入成均余乃得以一日之長臨之德尹旋與友人
入粵而夏重肄業橋門離經鼓篋魚雅雅弱不勝衣近是黃叔度一洗乃其
詩若文則又滂葩異兀奔發卓犖蛟龍翔而虎鳳躍今之詩人或未之能先也
然且深情獨寫孤韻一往令人飄飄徘徊而不能已蓋夏重既辛齋玉潤且爲
吾友勉齋黃門猶子仍世通顯胚胎濡染昔人有云半千孫固應爾姚江黃晦
木先生常題目其詩比之劍南余謂以近體論劍南奇創之才夏重或遜其雄
夏重綿至之思劍南亦未之過當與古人爭勝蓋若五七言古體劍南不甚
留意而夏重麗藻絳綈宮商抗墜往往有陳後山元遺山風後山陵厲峭直力
追絕險遺山矜麗頗挫雅極波瀾吾未敢謂夏重所詣便駕前賢然使起放翁
後山遺山諸公於今日夏重操觚以陪教榮亦未肯自安魯鄭之賦也且夏
重學有本根斷斷自愛子瞻曰一時文人如魯直補之無已文潛少游吾未嘗
以師資自處皆以朋友待之而吾乃以一日之長臨夏重乎顧屈指同學其才
可到昔賢者正復無幾蓋門諸君子與放翁後山遺山皆名節自持履歷有國
士風蓋有重於詩文者而詩文益重吾方處夏重於諸公之間正以其詩而又
不敢限之於詩也去冬余奉使南海夏重操觚長歌送行且以詩集序見屬屬而
夏重懷旂二集已夏然成卷快矣余既已諾昨者之請重懷辛齋嗜昔之言時
已眼病請假勿勿戒道危履在側僕夫僕裝援筆以先指約蓋於夏重與夏重
之詩皆不能自已於言者夏重其益勉之異日相見其必有更進乎此者矣
濟南王士禎序

己未春余奉

命撫黔陽而同邑查子夏重短衣挾策自吳涉楚連及之於荆
江夢渚之間其時糧場未登粉虎塞塗余提戈東馬自銅仁間道崎嶇巖谷
胥孤軍轉戰一旅深入樓下健兒能從者不過數十人而夏重獨懷旂與俱經
年而後抵貴治相與仰視飛禽餒餒刺刺烽火紅蕭笳夜咽未嘗一日不同

之也軍府初開書檄旁午調遣徵發將伯助余倉卒踴躍又兩年始定夏重則
去余歸里往謁其觀察世父於都江焉夫以白面書生年未及壯弱不勝衣骨
後獲出衣表乃能駭辭自喜如此則已繼觀重備矣顧復戎旅之頃不廢吟
嘯握槊賦詩磨盾草檄軍中有傳修期既陳若敵國兼得陶寫歲月瘴雲如墨
毒草搖風以賦詠當悲歌流花工部不履行間淮蔡軍諸光無篇什庶幾小益
之戎裝競傳劍南之詩句藻采橫飛綺思馳發抑又多焉何其壯也今年夏重
入游太學而余適膺 召命歸佐夏官因復留之邸舍夏重乃哀其行旅之詩
梓之問世其豫章之吟別爲一集題曰慎旃蓋取詩人行役之義且屬余爲弁
語夫詩人有言雄子與汝往者黃竹之曰余與夏重真同輩詎回首煙囂心
駭魂歷歷如在目曉序夏重之詩非余又誰屬也因爲纂述舊遊書之卷首若
夫齊統未貴妻敬萬金夏重業已狎主齊盟又無缺余稱說矣同里楊雍建序
余實樂海昌查子夏重屢有詩贈和尋其佳處真有步武分司追蹤劍南之堂
與者夫今人卒業冤國孰不以風流自命左揆右摘東顧西緬都欲取正李杜
之瓊瑩元白之卑弱爲漢爲魏爲陶爲謝目空千古苟從旁細覈正如揚灰萬
斛求半珠銅鐵且不可得況於金乎此所以深歎於才難也夏重視彼猶孤鳳
獨鶴翔翔於百鳥羣羣中可謂橫絕一時者矣復能謙退以好善徵特不敢輕
議古人抑有味乎水樂樓歌俱將引爲筆墨之助此非取法淺陋也惟其知作
者苦心一字一句莫不有深意於其間若屬目愈矜矜口妄輪真耳食吹聲徒
作據樹蚴蟬爾夏重是編自己未至壬戌四年間水陸萬里往來楚黔之什山
川龍變與江浙殊絕苗蠻風俗與鄉土迥判加以亂離兵革之慘歲荒焚掠之
餘天寶詩人所不及親投荒遠客所未曾歷者衆敘筆端供其驅使寧樂難
盡可蓋其項背哉吾因是而更有慨焉使夏重據龍山之田數頃桑柘茂於池
有魚園有果牛宮豕欄靜證於先人之舊廬兄弟相爲師友必沈酣經史守先
以傳後無疑也乃歷鹿舟車踰嶺事卑卑耳目之聰明足發其誕然於青燈
四庫不能無夢寐焉雖然麻姑年少將見蓬萊揚塵不難返海外之逸書使歸
學宮搜龍宮之秘圖傳諸人間斯還粉陳官又奚足云刻中老友黃宗炎纂

夏重自黔歸夏其三年往反道路之詩自題曰慎旃集吾友黃晦木先生喜而序之爲獎許其所已至而勉惜其所未至晦木夏重尋人逸遠長友惻然以古道自處夏重既拜而登之集矣今年余偶來燕臺夏重方客燕未返其同學友人欲梓其集燕中乃過余而請曰小子不幸早失怙恃舍其先人之廬奔走四方冀以續食晦木先生所云青燈四庫杳然夢寐斯集所留與續續爲相爲和答者易歟不自知其言之長也然而山川登涉動魄驚心追思昨夢讀之而怛怛心憐不欲便付權燒姑應友人之請丈人亦有以終進之乎余應之曰子之詩自附於陟岵詩人之義夫亦知詩人之根抵乎夫陟岵之詩人疲勞困頓晨夕不遑而於父母兄弟三致思焉忠孝悌惻之懷詠歎淫浹而不能自己此固風雅之本原而非流俗之詠唱也今之稱詩者挾持唐宋頌酒爭長各爲門戶余竊以爲皆非也夫詩何分唐宋亦別其雅俗而已古之詩人其志潔其行芳自託於芝蘭芳草而絕遠蕭艾故雖至坎壈失職卻曲於傾軋駢之途而耿介特立終不移於頹俗以此求之陶彭澤杜陵花之流操持卓犖磊砢兀然皆有國士風故其爲詩迥然自遠於俗即白分司諷諭開通諸篇言近指遠一唱三嘆真得風人之遺與元亮子美同其根抵而不知者妄謂之俗嗚呼耳食拘墟之徒又豈足與論六義之旨哉乎夏重承庭訓濡染家學反覆四始之際既已有年一旦遠涉江湖崎嶇黃竹發而爲詩依然陟岵之思晦木老友以爲上武分司而下追射的一言爲智知其不輕借游揚也且晦木以父執登堂門庭無恙牛宮豕欄橋園魚陂晚仰流連乃更以青燈四庫欲廣夏重之意夫亦以先人手澤存於縹緲卷帙間冀使無忘其根抵爾夏重勉之歲月易遷歲年不再計夏重挾策遠遊之年正與余抱病焚研之歲等雙丸轉轂余已素髮被領老大空悲了無可紀夏重詩已見許前輩春華之藻特本根之不拔耳根之感者其枝幹日益繁慎旃之詩夏重之本末存焉無俟訪逸冊而搜秘圖益保其陟岵之思而已輒以此勉夏重且請更質諸晦木冰泉陸嘉淑序慎旃二集者吾友查子夏重遊豫章之詩也初查子自己未遊黔至壬戌而歸名其詩曰慎旃集今自癸亥遊豫章至甲子而歸復名其詩曰慎旃二集蓋皆

取孝子行役不忘其親之義也嗟乎查子乎遊乎而欲慎旃乎古昔感時民有恆產士有常稱負乘橫經溫清定省安所事遊其偶有遊者不過賢勞王事耳故孝子行役而得以慎旃自勉至春秋戰國之世而士以遊名朝秦暮楚已有不遑言慎者矣然孔子曰遊必有方孟子曰人知之亦寡寡人不知亦寡寡則是遊亦未嘗不得慎也天變人窮最困者莫如四民之首饑來驅我急何能擇其尙能有方乎夷語無門投筆安往其尙能籌畫乎於此之時而欲慎旃難矣且夫查子之遊豫章也都陽之險不若洞庭之惡也洪都之近不若鬼方之遠也六月之暫不若數載之久也舊遊詞客往還唱和之樂不若蠻獠寇賊戰爭殺戮之慘也較之遊黔之役又似可以無慎而查子慕親之誠守身之孝每念不忘用名其集余於是而歎陟岵詩人何代庶有決不得以古今時地限也世衰學廢風雅道淪言宋言唐言魏言漢紛紛聚訟之徒類皆飲潘拾唾正如家僮路乞各張勢豪所有以相矜詡而不自知其妻孥安在彼豈不聞虞廷言志之說哉勢利薰罔情性銷亡雙句單詞譯世取寵自謂言志而其實無志之可言也得查子慎旃之意而振之登山臨水感時詠物吊往驚離無往而非不忘其親之心所寓楊用修謂詩須有爲而作蓋自三百篇而降屈大夫陶彭澤杜工部千古俱有同旨寧謂風雅一道不可自此而復續乎彼區區以韓歐蘇陸之間饒之者猶皮相矣余病留京邸因懷岵岵之望不欲受人牢籠間或自鳴其酸苦遇塵堆糞壤之人輒秘不使見唯查子與一二故交至始出與誦之暑退秋來襍被南返查子過別索序此編長吟低讀慨然喜其與余有合也易曰同聲相應余其能無言哉同學弟鄭梁題於燕京旅次

敬業堂詩集序

夏重之重于人與人之重夏重者豈獨以詩哉其在家庭也愉婉承歡善繼其尊人逸遠先生之志與諸弟一堂師友砥行立名至于義方垂訓慈而彌嚴長若幼皆能自樹立倡隨之誼食貧相莊悼亡一賦終其身不再娶其飭躬于內也如此其立朝也著作承明出入

禁闕者十年

天子嘉其勤慎卿尹服其恬雅年甫六十四遽移疾還家其於進退之際又如此則夏重之足重于人與人之重夏重者固自有在不獨以詩也明矣即論其詩亦恢之以學問深之以涵養且歷覽宇內之名山巨川以達其氣裕其神而擴其耳目之聞見即物寫懷皆其忠孝友愛至性至情之所蘊蓄而流麗初非規規焉爭能于聲律字句間也平生所作不下萬首今手自刪定起己未迄戊戌凡四十八卷取隨

鵲山莊時

御書賜額名曰敬業堂集乞余一言弁首藏諸家余與夏重生同里重以香烟晚又出余門下自其少時伏處海濱迄三十歲以後游學京師歷仕歸田數十年如一日世之知夏重者孰余若遂不辭而為之序修陶菴先生夏重舉京兆時同年友也既而同直

內廷晨夕數年填篋唱和儕輩皆一時之選而其伏膺者惟夏重一人丙申冬出撫東粵夏重走訪之臨別捐俸囑刻其詩以問世是夏重之見重于陶菴與陶菴之重夏重者跡雖重其詩實不獨以詩重也世之讀夏重詩者以衰朽或不足信請試質之陶菴先生

康熙五十八年己亥秋七月朔洛溪袁朽許汝霖序

敬業堂詩集總目

第一卷

慎旃集上 古今體詩八十五首

第二卷

慎旃集中 古今體詩九十一首

第三卷

慎旃集下 古今體詩七十七首

第四卷

過歸集 古今體詩九十一首

西江集 古今體詩八十四首

第五卷

贈淮集 古今體詩五十九首

第六卷

假館集上 古今體詩六十四首

第七卷

假館集下 古今體詩六十九首

第八卷

人海集 古今體詩八十九首

第九卷

春帆集 古今體詩六十六首

第十卷

獨吟集 古今體詩七十六首

第十一卷

竿木集 古今體詩五十五首

題壁集 古今體詩六十首

第十二卷

橘社集 古今體詩六十四首

第十三卷

勸酬集 古今體詩九十三首

第十四卷

愴城集 古今體詩九十一首

第十五卷

雲霧庵集 古今體詩七十三首

第十六卷

客船集 古今體詩二十九首

並轡集 古今體詩四十三首

第十七卷

冗寄集 古今體詩六十三首

第十八卷

白蘋集 古今體詩三十五首

秋鳴集 古今體詩五十二首

第十九卷

敝裘集 古今體詩三十四首

酒人集 古今體詩七十五首

第二十卷

游梁集 古今體詩九十七首

第二十一卷

皖上集 古今體詩六十一首

第二十二卷

中江集 古今體詩七十三首

第二十三卷

得樹樓集 古今體詩八十九首

近遊集	古今體詩二十四首	第三十五卷	還朝集	古今體詩八十首
第二十四卷			第三十六卷	
賓雲集	古今體詩四十四首		道院集	古今體詩七十三首
第二十五卷			第三十七卷	
炎天冰雪集	古今體詩三十五首		槐綠集上	古今體詩九十八首
垂囊集	古今體詩四十二首		第三十八卷	
第二十六卷			槐綠集下	古今體詩九十七首
杖家集	古今體詩六十五首		第三十九卷	
第二十七卷			東東集	古今體詩一百八首
過夏集	古今體詩七十四首		第四十卷	
第二十八卷			畏告集	古今體詩一百七十二首
偷存集	古今體詩十七首		第四十一卷	
繡經集	古今體詩八十一首		待放集	古今體詩一百五十九首
第二十九卷			第四十二卷	
赴召集	古今體詩九十七首		計日集	古今體詩七十九首
第三十卷			第四十三卷	
隨筆集	古今體詩一百十四首		齒會集	古今體詩一百二十八首
第三十一卷			第四十四卷	
直廬集	古今體詩一百二十四首		步陳集	古今體詩一百二首
第三十二卷			第四十五卷	
考牧集	古今體詩一百四首		吾過集	古今體詩六十四首
第三十三卷			第四十六卷	
甘雨集	古今體詩四十三首		夏課集	古今體詩四十五首
第三十四卷			望歲集	古今體詩五十首
西阡集	古今體詩六十二首		第四十七卷	
迎鑾集	古今體詩四十六首			

粵游集上 古今體詩八十四首

第四十八卷

粵游集下 古今體詩一百五首

第四十九卷

餘波詞上 長短調一百二十二首

第五十卷

餘波詞下 長短調一百一十一首

敬業堂詩集總目

敬業堂詩集卷一目錄

慎旃集上

遊蕪不果乃作楚行

留別仲弟德尹二首

別別威鶴江徐淮江程禹聲次禹聲原韻

京口和船荒兄

曉登梁山

贈胡星卿先生胡之先東川侯梅其子觀尙南康公主

題王璣庵南北遊詩卷

登金陵報恩寺塔二十四韻

金陵雜詠二十首

暮湖關

題余鴻客金陵覽古集

曉出荻港

銅陵太白樓同船荒兄作二首

遊兵營

那利磯弔黃忠節公

雨後渡橫江磯

小孤山

皖口

路癡溝阻風

過都陽湖口望大孤山次黃俊檀舊韻

韻

蕪州道中

漢口

漢陽晴川閣

安國寺東荷池上

漢江舟夜

漢川道中紀所見

渡百里湖

洪湖

沔陽道中喜雨

初入小河

將至玉沙舟中述懷呈家季叔二首

玉沙即事二首

初得家書

與船荒兄竟陵分手兄至荊州余往監利滯留且一月矣作詩以寄

從監利至荊州途中作

初至荊州船兄出岳家口留別絕句

見示和一首

呈大中丞楊公二首

重陽後六日奉陪中丞公登龍山落帽臺次原韻

荊州與楊語可別

荆南秋盡野鶴羣飛楊公有詩屬余

並作

荆人田芝來年老好事所居城南隅

瓦屋三楹小庭曲砌雜蒔花竹性喜蓄錦石貯以瓷盆清泉涵之因狀
命名乞余分韻余以其名不雅不欲作詩重違其請賦一章以示意

初冬登南郡城樓

寒夜次潘岷源韻

雪後

荊州雜詩六首

洪武銅砲歌

荊州護國寺古鼎歌

渡荊江

白楊堤晚泊

公安道中

過龍陽縣

晚泊安鄉縣六韻

渡洞庭湖四十韻

蠟梅和中丞公韻

武陵除夕

敬業堂詩集卷一目錄

敬業堂詩集卷一

海寧 查慎行 悔餘

慎旃集上

己未年

己未夏同昆楊以齋先生以副憲出撫黔陽招余入幕時西南餘寇未殄
警急烽烟傳聞不一而余忽為萬里之行其在陟岵之詩曰尚懷旒哉由
來無棄夫當行役之時不忘父母兄弟而終以危苦之辭讀其詩者傷其
志焉余不幸早失怙恃終遠兄弟麻衣被體瞻望隴而因取慎旃以命集
自勵也亦以慰子季也自己未迄壬戌首尾三年凡如千首彙為三卷

遊燕不果乃作楚行

北道初停轍南轅未思戈一門初約變歧路獨行多不是彈箏客誰為擊柝歌
也知田舍好壯志恐蹉跎

留別仲弟德尹二首

形影何當出處分君應憐我孤雲出岫寧無意獨雁衡寒奈失羣門戶
全生終碌碌兵戈絕傲尚紛紛虎頭分少封侯骨投筆聊從萬里軍
雞聲驚起對床眠纔說江關便黯黯與爾未曾經遠別得歸難定是何年渡江
風物悲元亮懷土人情感仲宣瓦屋三間雨兩版頻煩為我掃東偏

謝別感鶴江徐淮江程禹聲次禹聲原韻

輕橈夾岸柳毵毵短笛長亭最不堪江路恰逢鴻雁北山程遙指鷓鴣南異時
對酒懷重五同調關心記兩三此去湖湘烟水闊鷓鴣波長自夢春潭

京口和船荒兄

江樹江雲睥睨斜成樓吹角又吹笳舳艫轉粟三千里燈火沿流一萬家北府
山川餘霸氣南徐風土雜驚沙傷心蔓草斜陽岸獨對遙天數落鴉

曉發梁山

一鉤殘月吐仍衝薄霧濛濛著布帆行過天門天未曉風來東北路西南

贈胡星卿先生胡之先東川侯海其子觀尚南康公主

榮戟侯門奕葉光可能無意感清桑草廬望重名賢宅竹苑年深貴主莊滿地

秋瓜仍爛熳渡江春燕只尋常白頭一老鍾山下筋力猶看八十強

題王璞菴南北遊詩卷

我初未見聞君名十年懷抱一夕傾眼中指顧空豪華乃欲以詩鳴不平蓬累
時作蒼生行江南江北無期程流離滿前皆孩嬰遺傍見之淚縱橫爾生其間
一蒼生補救敢與乾坤爭俛今仰古氣孰禦長篇倚劍頃刻成東將入海手掣
鯨嘲弄花月非人情余從涉江來舊京足所遊歷手勿停君詩直壓小謝城如
以六國當秦兵從肩維維誦作大聲煌煌高燭燒長樂須臾街鼓報五更紅日欲
吐東方明

登金陵報恩寺塔二十四韻

不盡興亡恨浮圖試一登孤高真得勢陡起絕無憑法轉風輪翅光搖火樹燈
地維標寶剎天關界金繩碧落闌千里丹梯轉百層規模他日壯感慨至今仍
稱自歸藩啓兵從靖難稱比戈殘骨肉問罪假疑承表冤俄行遼戎衣遽謁陵
朝家同再造國事異中興此舉無名極當時實愧會兩京雄岳峙一塔鎮龍樓
銖兩材俱稱鐵臺辨欲於琉璃紛紛碧欄楯落鮮澄事本誇餘力其猶念丕承
監宮留太子給傳溫千僧原廟衣冠冷豐宮獻卜增修心崇梵竺神道託高僧
世往疑經劫人來乍得朋同登者雲烟爭變幻日月幾升絕頂盤旋上虛窗
偏仄凭近身樓櫺側背飛騰騰勝境才何有高歌氣或騰鍾山青入望相對
故陵碑

金陵雜詠二十首

并序

僕年三十始至舊京路近一千還同異域感生涯之已晚敷故事之無徵彼
都人士憶南渡之風流故國山河見北邙之陵寢四百八十寺烟雨猶新三
萬六千場笙歌頓歇衰年因而狂憤衛虎所以神傷況以飄零再當搖落芳
樹垂條泪盡臺城之妓金釵插髻魂消綺閣之歌凡江干覽物之端皆遊子
言愁之什敢自信其可傳冀知音之勿罪云爾

沙漢真人本至尊青蛇罷祀出梧垣孝陵松柏猶樵牧元廟何妨有淚痕
想像承平樂事留屢屢陳迹也風流輕烟翠柳今何處明初故址十六門如十六

樓

酒掃他時屬內官鐘聲好句逼人寒御溝橋有流紅事塵壁傷心是媚蘭
夜半傳呼聚寶門金蟾蟾鎮內城香武皇大有南遷意故道變與宿報恩
蒙溪石刻表南都形勢居然屹壯圖白馬青絲他日事倉皇會補一毫無
妙選三家入後宮抱來馬上石榴紅胭脂不到長城外何必明妃怨畫工
武定橋欄玉磨如冷冷七尺筆清虛獨不發岐陽扣等是崑岡劫火餘
宗伯查清世不知菱花初照月臨池點粧巾帽俱新樣不用喧傳鏡背詩
杏村玉樹接春華太史詩留典客家不許續絳繡獨絕鳳臺還有紫微花
薛鴛鴦羊七著餘江鮮風味只如初年年八月隨潮上柳實紅腰燕子魚
粉竹香塵調不齊和來雁字門高低即從紅豆微奇麗便壓元人十四題
顛老琵琶擅教坊供筵法曲別歌章故須小技通文義垂老知肯付漫郎
雷雨隨絃四座驚秀之絕調自冷冷隔簾傳語催停板頭白扶來制淚聽
昭文小楷法黃庭繡佛新詩玉琢成不及錦雲名句好斷腸芳草斷腸驚
一月花名箋錦箋舊家手帕亦因緣會陪金子春樂會冷落飄燈四十年
驚足盤龍氣象吞東華扶出倚驚魂書生小膽當前破何取紛紛出大言
後村傲兀自奇才竟何曾過此地來春草不生山路白樹陰濃翠雨花臺
臥遊宗炳已傷神畫社秦淮點染新怪得江山生色少少同老死更無人
鈔庫街頭第一坊遊人消渴試新嘗近來曲巷添茶社誰記新都是溫腸
名士年來已可嘆騎驢腰扇怕逢人李昭竹骨王郎畫難掩西風障扇塵

蕪湖關

昨日出龍江今晨抵蕪湖順風滿帆暢通關快須吏關吏責稅稅江大聲呼
舟子不敢前根柢轉轉餘余吟謂關吏奇貨我則無聯吟三寸管壓浪百卷書
船頭兩巾箱船尾一酒壺此外更何物隨身長隨奴吏前不我信倒置傾筐
棄捐無一可相顧仍睚眦買酒例索錢還身若責通有貨官盡征無貨吏橫誅
有無兩不免何以慰長途

題余鴻客金陵覽古集

神傷寂寂初班詩草年年手自刪莫問六朝興廢事謝家名句有江山
曉出夜港

駘馬習人勞舟杭令人情所苦風濤爭孤蓬坐歎艤船師喜出險拍手吟相賀
輕生涉江湖維維神方荷詰朝風日美百里悠揚過雲華石門奇天勢江洋大
望窮樹樹靜機靜魚趁花琉璃千萬頃一葉點不破倒影白日深蛟龍鏡中臥
江豚忽掉尾散作鱗鱗齒豁然開詩境遠景開淡庵

銅陵太白樓同韓荒兄作二首

不盡長江萬古流吳天遠郭倚孤舟疾風捲雨過山去虹氣晴開百尺樓
我昔曾從夢見之精靈長接百篇詩豈知流落才無用猶羨官娥捧硯時

遊兵營

荏苒指衡湘屈蟠路如蛇江天風月夜往往聞清笳尋聲向曲岸燈光出蒹葭
古哨聚遊兵汛地錯犬牙上下十數里塘迴互周遮警急一舉烽火行禁編懸
茅屋三五間各自比建衙門前蔭垂柳屋後編籬笆恐爾本良民賦斂逃科差
居然長兒女成久遠成家炎荒屬未寧羽檄方紛舉惜哉好身手寧坐銷精華
何當鉦鼓思再見戶口加

那剎磯弔黃忠節公

天道本好生無端殺機伏惻然遼國際僅此墳難離天下自一家諸臣義不辱
侍中初出亡乞援向誰哭勢窮繼以死初念固不欲漸漸那剎磯洶洶怒濤蹴
嗚呼喪葬地乃在江魚腹實哉翁夫人偷生不忍獨提攜及二女感激到婢僕
舉家十三口同日死江曲真難贖百身竟用全九族當時故吏士過者不敢目
葉葬同一墳翁夫人及二女合葬金陵蓋洪橋北招魂倘來復易名難兩經弘光南渡廟貌未嚴
肅我思歸遺像鎮此千山麓貧賤復何言詩成淚盈掬

兩後渡橫江磯

片雨南來壓短篷天北吐長虹風機過處雲頭黑霧忽消時日脚紅連岸
浮沈沙柳外危礪出沒浪花中扁舟一葉無根蒂吟擲吾生付柁工

小孤山

峨峨百里外烟雲欲曉曉晴雨日程始及抵山脚連山巨兩岸千仞排垠場不知渾沌來孤嶼孰開鑿初從山背望上下勢相若兩崖忽中分老牛角紛昔向陰樓巖石齒白磊砢其陽峯面銳鵬鳴高卓卓青葱起美蔭遠景野林薄脊骨不貯土長根自蟠錯旁觀俯崖巖遠勢借恢擴大哉造物奇咫尺形體各中腰神女祠紺碧架飛閣蔬蕩冰雪玉貌坐端慙小雨夜歸梁暗雲曉暮暮神威不在猛水怪自驚遷帖然率羣醜俯首受條約移舟試欲登奇險費斟酌雙肩卻步立蒼苔若被束縛舉蹣跚未成夜枕夢已醒起來攬帶坐波軟風力弱圓月光吐吞蛟龍恐驚擾

皖口

入封依然列女牆一城斗大劃荆揚兩廂隔浦吳山盡風濤空江楚水長官渡無人遺聚艇客程有樹但垂楊曾經百戰東南定鼓角殘兵又夕陽

初高李迪建安
慶城懷詩語也

殘兵數角
夕陽中明

路灌溝阻風

行李先愁過吉陽荏苒何物尚披猖孤舟喜出兩關阻一雨能生三日涼航扇雲鼓山入畫蘆花風起客思鄉榮桑舊事猶記咫尺翻嫌路渺茫

過鄱陽湖口望大孤山次黃伐檀舊韻

江長如帶湖如襟廬山翠嶺高嶽峯大孤欲束湖口住石脚下插三千尋浪頭有時過減頂喧吸倒影影亦沈康郎彭郎兩不妬微步但覺波深西江買兒晚泊棹東南月上明孤嶺渚蘋汀正近楚俗水味涓涓神居散羣鷗飛盡亂鴉舞癭癭瘰癧森成陰天青沙白獻瀟灑恍恍余目怡余心船頭擊汰船尾臥末疾不受風羅淫焉當之險幸已脫一壺珍重攜千金

新州道中

設險憑全楚江防此地選千家猶帶郭獨客偶停船天關星如壁江空月最先時危憂盜賊慘澹話當年

漢口

巨鎮水陸衝彈丸壓楚境南行控巴蜀西去連鄴郢人言紛五方商賈富兼并

紛紛錄名藩一旗號整駢駢驪尾接得馬蹄驕傳人摩肩摩蹙駢頭羣雞叫咿嚶巨犬力頑獺魚蝦鯉就岸藥料香過嶺黃蒲包官鹽青箸龍苦老東西水關固上下樓閣週市聲朝喧喧烟色畫暝暝一氣十萬家焉能辦廬井兩江合流處相峙足成鼎舟車此輻輳翻覺城郭冷黃沙撲面來却扇不可屏稍喜漢江清浣紗見人影

漢陽晴川閣

已失當年鸚鵡洲晴川高閣劫灰留苦嫌過客多題壁却吟神仙盡好樓

題王方喬齋壁

半捲湘簾不滿飲大江檻外日東流碧空過盡千帆影一榻臥看黃鶴樓

安國寺東荷池上

蓮蓬味美差同藕荷葉香清似勝花懷惱休陰無一樹閉門長日坐僧家

漢江舟夜

露宿風餐兩月餘入秋懷抱少應憐陰隔浦初疑霧晚食投竿果得魚夏口帆來飛鳥外洞庭木落早涼初楚天微雨瀟瀟夜漁火分光到檢書

漢川道中紀所見

沙岸百尺高水落岸容槁火雲蒸久旱旭日秋果果田家候雞鳴趁伴起最早放閒惜牛力飽食眠秋草不念婦子疲提攜及穰穰桔槔遠灌田俯仰困機巧單衣汗沾背滿面塵不燥鐮鼓懸柳陰兒童事耆老金燥草亦乾愁聲接林杪土音帶蠻語過客不盡曉勞歌有訓荅各自相媚好豐荒關天運轉瞬誰得保民愚亦可憐聊用慰翁媼對之我抱慚饑驅空擾擾人言行路心擇食苦不飽此意行已堅毋爲亂懷抱

渡百里湖

湖面寬千頃湖流淺半篙還帆如不動原樹競相高歲已占秋旱民猶望雨膏涸鱗如可活吾敢畏波濤

洪湖

漢江支流入洪口水勢舒緩地勢窪田中開畝千頃綠陰去一一露渚牙殘
荷向擎歌及蓋紅蓼競吐殷鮮花驚鷺健肩人立意思閒暇鰾魚蝦蟹湖幾
結暮烟起曬網老漁三五家海緯半閒蘆架屋黃萬十丈水占涯春漲生時隨
斷梗秋潦退後依平沙東西南北南隨所向泛泛何異鷗鳥鷺老漁顧我吟相答
客行要自同棲草我聞此言發狂吟片席飛渡蒼蒼葭

沔陽道中喜雨

一枕涼侵被朝來得晏眠江清收潦後風勁掛帆前宿雨兩邊如露秋雲不近天
可能清滴意遙動起枯田

初入小河

魚米由來富楚鄉入秋飽噉只尋常如今米價偏騰貴賤買河魚不忍嘗

將至玉沙舟中述懷呈家季叔二首

村荒人少但寒雅夾岸蒹葭一道斜偶到不妨頻問俗既來何苦又思家愁經
零露秋前草夢吐疎燈夜半花拋却田園荒舊業并攜僮僕走天涯
勞苦官居已六年人傳績贊改華顛眼明稍喜流亡復城小曾蒙盜賊憐五斗
粟容彭澤傲一廚酒愛步兵賢定知情話無窮在幾夜篝燈記不全

玉沙館事二首

銀絲壓簪學盤頭少婦粧成不上樓客久語音通土俗路長征戍阻炎州蘆中
船去花搖雪柳外天低月吐釣淨洗胭脂湖水關荷陰閒淡自清秋

郭外胭脂
船荷花地

絕少魚蝦入膳庖豚蹄隨意散塘均難棲茅店鴉爭食燕去遶廬風噴鼻時窺
草深移蟻蜂晴絲露重綴蟬蛸乍來寂莫荒江曲欲賦蕪城感慨交

初得家書

九十日來鄉夢斷三千里外客愁涼軒燈火清砧月惱亂翻因一紙書

與貽荒兄竟陵分手兄至荊州余往監利滯留且一月矣作詩以寄

長江多蛟龍噓吸通潮洑兩人行結東惻惻將奚適維時夏苦旱千里火雲赤
壓頭一扇蓬衣背等煎迫而我於其間狂吟快新獲兄詩工而還顧我速以拙

篇成必傳示環顧互指摘我賞兄不疑兄領我覺額丹砂百煉金點鐵隨手擲
文從字怪發往往到擊節讀兄寶穿懸河瀉胸臆陳言務掃蕩妙解生創關
文章竊願學下語頗不擇兄爲啓其鑰奇正示體格經緯而緯史較若分黑白
潮流止一源馳騁戎旁隙有時難游戲間亦事博奕棊紙畫局低手兩笨伯
毫末勢必爭怒容毛髮磔推枰起相鉤金枕粉狼藉幸未投諸淵俛首旋拾撫
旁觀但移晷一笑意已釋我飲僅半升兄傾可一石村沽必盡量醉語有終夕
舟子訝未聞家奴憤不噤漢陽半月住又復事行役竟陵暫分袂謂作決旬隔
余去向玉沙兄行指鶴澤萍蹤忽漂散踐約苦難實吾叔方南征輪將任煩劇
巨陵用兵地久滯佐籌畫西風吹客衣稍欲換綿絺冷暑啼寒蟬庭柯響撼撼
獨來關中秋消息斷咫尺豈如孤舟夜臥起同枕席正當感壯時長駕困短策
依回投幕府此段良可惜我年雖少兄本性奈孤僻輪困刺肝膽感憤腕徒撻
妻孥敗人意兼顧終無術園莽一出門何從弄游跡歸與須早計惆悵分飛翮

從監利至荊州途中作

餘懷空傳劉據遺青天了了隔江山對岸爲華容諸山人來小兩初晴後秋在垂楊未

老聞望遠易成千里隔時危敢愛一身閒荊州亦是從軍地怪得參軍語帶蠻

初至荊州館兄出岳家口留別絕句見示和一首

竟陵小別無多日又向江陵把一樽此夕憑君談客況已如三峽聽啼猿

呈大中丞楊公二首

烏巖要荒路幾千牙門小駐且江邊時駐節他年峴首沈碑會不羨龍山落帽

筵千古英雄皆史冊一時形勝又山川從今覽眺猶多暇只在披圖聚米前
樓船直下擁旌旄絕勝魏縣十萬兵吳漢威名如敵國魏公倚重抵長城鐵橋

徹外先聲度銅柱天南赤手擊若問封侯何事業征南原是一書生

重陽後六日奉陪中丞公登龍山落帽臺次原韻

遠上坡臨碧水灣蒼然平楚夕陽間可無好事傳新句恰有佳名似故山
余所居在霜氣鎖來還綠樹狼烟起處是烏巖陪遊不少鄰從事此日風流魏再攀

荊州與楊語可別